

VHUDIMONI

FHETHU HA MUVHILINI

 Zwino ndi...?...[Tshikhala kha theiphi—Mudz.] Ulu ndi lwa u thoma lwe nda vhuya nda zwi ita kha muńwe wa mitangano yanga tshe nda vha hone tsimuni. Itshi ndi tshifhinga tshiswa. Mukomana Baxter o ḥuwa; huno—huno Mukomana Bosworth u kha la India, kana, Afurika; huno Mukomana Baxter, a thi ḫivhi hune a vha hone. O ya huńwe fhethu, huno vhańwe vhothe vho bva nahone vha ḥuwa. Huno Billy na nne ri rothe fhano, ngauralo ri khou tou vha na tshifhinga tshihulwane: ri tou vuwa, u vhulaha na u la. Ngauralo, ri—ri nga ri pfa unga khamusi ri nga kona, nga thuso ya Murena, ri nga hwala muŃgano ra ya ra thaphudza, rińe vhańe. Itsho ndi tshone tshi nnyitisaho uri ndi takale u vhone u tshi bvela phanda zwiŃkunyana, nga nthani ha itsho tshiitisi tshithihi. Ndi tenda uri Murena u do ri thusa u zwi ita. [Tshivhidzo tshi ri, "Amene."—Mudz.] Zwino, ni a ḫivha uri hu na... .

Ndi funa vhalangi vhangana. Ndi na vhaiwe vharathu vha funwaho, Bosworth, Baxter, Lindsay, Moore, vhothe, vhuŃanu havho, Baron Von Blomberg. Vha tou vha vhathe vhatvhuŃi nga maanda. Fhedzi hu na tshińwe tshithu nga ha, musi ni tshi ḫanganya tshigwada tsha vhabba fhethu huthihi, muńwe u na tshinwe tshithu, muńwe u na tshinwe. Nga tshińwe tshifhinga izwo zwe fhambana na zwine nda elekanya nne muńe. Ngauralo ndi—ndi—ndi pfa unga ndo tou vhofholowa zwino. Ri nga kona u vha na tshifhinga tshihulu, ra tou finya zwanda zwashu, huno ra tou thotha nahone ra la. Ndi elekanya nga ha u finya zwanda zwańu huno na vha na tshi—tshifhinga tshihulu.

Bvhili yanga ya u thoma yo vha i mupo. Ndo guda Mudzimu nga mupo. Huno ndi takalela u rea khovhe. Ndi funa hani u rea khovhe! Huno inwi ni takalela u rea khovhe, mutukana muswa? Arali ni tshi takalela u rea khovhe, nahone ni tshi funa mme ańu, ni khou yo vha mutukana wavhudı. Nahone na thembuluwo yanga a yo ngo lu bvisa lwothe kha nne. Ngauralo nga lińwe ḫuvha ndo vha ndi nthia dzithavhani, ndi kha u rea khovhe. Zwino, izwi zwi tou vha zwa u thakha uyu mutukanyana. Huno ndo vha ndi tshi khou rea khovhe nthia ngei dzithavhani... Huno u itela vhaiwe vhabańku, a hu na zwińwe, vho dzula u mona hothe. Huno ndo vha ndi tshi khou fasha thirauti. Huno, oo, zwi a mangadza tshifhingani tsha tshimedzi. Ndi tshimbila nga u ralo, huno ho vha hu na thirauti ngomu dindini li tevhelaho, ni a ḫivha,

nga u ralo. Huno ndi tshi sokou renda Murena nahone ndi na tshifhinga tshihulu, ndi tshi ḥavha mukosi. Nga tshiñwe tshifhinga, ndi posela lutsinga lwanga phasi. Ndi tenda kha u ḥavha mukosi. Amene. Ngoho ndi a ralo. Ngauri, ndi a zwi ñivha uri tshiñwe tshithu tshi a mpfara, huno tshi tou ita tshiñwe tshithu kha nñe.

² Ngauralo ndo vha ndo ṫuwa zwiṭukunyana nga ayo matsheloni, huno musi ndi tshi vhuya, tshithu tshisili nga maanda: Hu na vhunzhi ha zwivhingwi shangoni henengei n̥tha, ngei New Hampshire. Ndi na gammiba ḥukhu henengei n̥tha, hune nda rea khovhe hone. Ndo vha ndi na dennde ḥukhu ya kale yo ḥokiwaho, dennde ḥukhu ya vhushavhelo ye nda vha ndi tshi khou dzula khayo. Huno tshivhingwi tshitswu ndi tshone tshithu tshi itesaho tshinyalo tshi re hone. Ngauralo, mme o aluwaho wa tshivhingwi na vhana vhavhili vhaṭuku vha tshivhingwi vho dzhena ngomu heneffo, huno vha vhanga tshinyalelo ya dennde yanga!

³ Zwino, naa ni elekanya uri ndo vha ndo tea ndo itani kha itsho tshivhingwi, musidzanyana ngei murahu a re na ayo mavhudzi matswuku, ngei murahu? Ndo vha ndo tea ndo tshi sala murahu zwa vhukuma, ndo vha ndi songo fanelaa naa?

⁴ Fhedzi ngezwi zwe tsha ita zwone. Tshi a dzhena, tsha kherukanya dennde yanga huno tsha balanganya tshiñwe na tshiñwe nn̥da, huno tsha ḥa zwiliwa zwanga zweño nda vha ndi nazwo heneffo, nahone tsho vha tshi tshi khou tou ita zwavhudi. Ngauralo musi ndi tshi da, tsha ḥutshela kule. Huno tsha vhidzelela ḥwana watsho, huno ḥwana muṭuku muthihi a gidima natsho. Huno muñwe ho ngo gidima; o sokou dzula heneffo. Muṭana wawe wo vha wo mpfuralela, nga ndila iyi, nahone o vha a tshi khou ita tshiñwe tshithu. Huno ndo vha ndi si na tshithu tshandani tshanga nga nn̥da ha mbado ḥukhu ya kale ya tshanda. Ndo vha ndi tshi khou rema u mona na zwiñwe zwiṭaka ngei phasi. Zwo ralo, tsha gidima vhukule vhu no nga, oo, ndi a humbulela iyo thanda ya thelefoni ngei nn̥da, huno tsha dzula phasi. Tsha vhidzelela itshi tshivhingwi tshiñku tsha kale, huno tsha sa tshi thetshese. Tsha sokou didzulela heneffo.

⁵ Nda elekanya, “Naa itsho tshivhingwi tshiñku tshi khou itani?” Nda sendela tsini zwiṭuku. Ndo vha ndi tshi ofha u swika tsinisa, ndi tshi ofha uri tshi ḥo mveta. Ngauralo—ngauralo nda—nda kundelwa u vhona muri, huno ndi a ñivha uri na tshone-vho tsho vha tshi tshi nga namela. Ngauralo, nahone a tho ngo ḥoda u swika tsinisa natsho, ngauri ndi a ñivha kudzulele kwa tshivhingwi. Ngauralo, nda ya tsini zwiṭukunyana. Huno ni a ñivha uri ho bvelelani?

⁶ Zwino, ndi takalela khekhe dza pani. Ndi vhangana vha vhoiñwi vhatukana vha no takalela khekhe dza pani? Oo,

mutukana! Oo, ndi... Vhatukana vho aluwaho, na vhone-vho. Ndo vha vhona vha tshi imisa zwanda zwavho. Rothe ri takalela khekhe dza pani, nahone ndi tou dzi funa, nahone ndi takalela u shela mutoli khadzo. Ndi Mubaphuthisi, ni a divha, uyo ndi wone u no ri ita uri ri dzule ro luga, ni a divha, ndi mutoli, ni a divha. Ngauralo, huno thetshelesani, a thi dzi shashi, ndi a dzi lovhedza zwa vhukuma. Ndi u shela ntha zwa vhukuma hune wa vha wavhudzi vhukuma nahone wa lemela. A thi tou shasha zwitukunyana afha na afho. Ndi a u shela zwa vhukuma khadzo, nda ita uri dzi dale tshothe mutoli.

⁷ Huno zwenezwo, ni a divha, ndo vha ndi na bakete la mutoli henengei ntha, bakete la hafu ya galoni la mutoli. Huno zwivhingwi zwi funa nga maanda mutoli. Ngauralo itshi tshivhingwi tshituku tsha dzhena ngomu heneffo huno tsha tibula ilo bakete la mutoli, huno tsho vha tsho dzula heneffo nga ndila iyi, tshi na ili bakete lituku la mutoli fhasi ha tshanda tshatsho, nga ndila *iyo*. Tsha wana wone... Huno a tsho ngo divha uri u liwa hani, vhunga zwe na vha ni tshi do ita, ni a divha, ngauralo tsha sokou dzhenisa shimba latsho lituku nga ngomu fhasi huno tsha u qanzwa nga ndila *iyo*, nahone tsha u qanzwa. Huno tsha rembuluwa uri tshi ntsedze, huno mato matuku a kale atsho o vha o nambatelana, thumbu yatsho thukhu yo vha i tshi suvhelela nga he ya kona, nga mutoli. Tsho vha tsho sokou dzula heneffo, tshi tshi thothisa tshanda tshatsho fhasi huno tshi tshi qanzwa mutoli, nga ndila *iyo*, nga u tshavhanya u ya nga he tsha kona u qanzwa.

⁸ Yawee, nnenqe, nda elekanya nga ha muqangano wavhudzi wa tshifhinga tsha kale wa Muya Mukhethwa, zwila ri tshi tou vula bakete, ra dzhenisa tshanda tshashu fhasi dzhomelani huno ra qanzwa. Ra sokou bvela phanda, ni a divha, ri tshi sokou qanzwa.

⁹ Huno ni a divha uri tshithu tshi seisaho tsho vha tshitsini, nahoe? Nga murahu ha musi itsho tshivhingwi tshituku tsho no wana munzhi u ya nga he tsha kona, tsha litshedza bakete fhasi huno tsha bva heneffo tshi tshi gidima. Ni a divha uri ho bvelelani? Mme a tshivhingwi na tshiñwe tshivhingwi tshituku zwa thoma u tshi qanzwa, ngauralo zwi tshi tusa mutoli.

¹⁰ Ngauralo, zwo ralo, khamusi muqangano washu u do vha tshiñwe tshithu tsha iyo nzudzanyo, ndi a fulufhela, ngauralo ri nga tou dzula ri tshi vhudza vhañwe, huno vhugala ha Mudzimu vhu tshi wela kha riñe. Zwo luga.

¹¹ Ndi a takala u ni vhona vho inwi vhana vhañku no bva. Ndi takalela u ni vhudza tshiñwe tshithu tshi no nga tshenetsho. Huno khamusi matshelo nga masiari, ri na tshifhinga tsho engedzeaho, nahone—nahone ri nga amba zwo engedzeaho zwitukku. Huno ri do amba na khotsi na mma zwino nga ha tshiñwe tshithu.

¹² Ri khou yo amba nga ha *Vhudimoni*. Kha Dziphisalema 103:1 u swika ya 3, ri vhala idzi ndimana. Hu nga vhaho mushumeli muñwe na muñwe na mufunzi, kana muvhali wa Bivhili, u dzi ḋivha nga ḥohoh.

Renda MURENA, Oo maya wanga: na zwothe zwi re ngomu hanga, rendani dzina lawe likhethwa.

Renda MURENA, Oo maya wanga, huno u songo hangwa zwothe zwa zwe a u tonda ngazwo:

A u hangwelaho zwa vhutshinyi hau hothe; a fhodzaho zwa malwadze au othe;

¹³ Ndi toda ni tshi dzhieila nzhele heneffho, ho vha hu “zwothe.” “A u hangwelaho zwa vhutshinyi hau hothe, A fhodzaho zwa malwadze au othe.” Zwino ri nga kótamisa tshifhaṭuwo tshashu lwa tshifhinganya fhedzi.

¹⁴ Zwino, Khotsi wa Ṭadulu, ri a U livhuwa masiari ano, nga u vha ngeno nnđa. Ri a U livhuwa nga avha vhana vhaṭuku vho dzulaho afha, ndi vhone vhanna vha matshelo, na vhasadzi, arali hu na la matshelo, arali Yesu a tshi lenga. Huno zwino, Khotsi, ri rabela uri—uri U do ri fhaṭutshedza zwino ri tshi khou amba zwino nga ha Ipfi Łau, na nga ha swina lihulwane line ra vha naļo, Saṭhane. Ri rabela, Mudzimu, urī U do ri tendela u vhea vhupo ha nndwa nnđa, nyoga ya mutshini fhano, maandā a Mudzimu, ane a do mu hanela madekwana a ḡamusi kha intshi iñwe na iñwe ya mavu awe, Murena, huno ra mu sumbedza uri ha na pfanelo dza mulayo na luthihi, uri Kristo o mu kunda vhudzułoni hashu ngei Khalivari, musi A tshi fa, huno O tshinya mivhuso nahone a ḡangula Saṭhane maandā mañwe na mañwe—mañwe na mañwe e a vha e nao. Huno, Mudzimu, ri ḡee vhutali na pfecteso zwino, u ḋivha na u ḡalutshedza vhathu uri vha nga ḋivha hani uri vha nga fhodzwa hani na u kunda Saṭhane. Dzinani ḥa Yesu ri a rabela. Amene.

¹⁵ Zwino lwa miniti i si gathi ri khou yo amba nga ha *Vhudimoni*. Ni pfa zwinzhi nga maanda nga ha madimoni. Zwino, matshelo nga masiari ḡħanwe ri do fhedza. Ndo vha ndi tshi khou ḫoda mađuvha mavhili a ino vhege, naho zwo ralo, u rera nga ha izwi, u tou...kana mađuvha mavhili u itela tshumelo dza nga masiari, u amba nga ha izwi.

¹⁶ Zwino, tshithu tsha u thoma, zwine dimoni ḥa vha zwone. Ni pfa vhathu vhanzhi nga maanda vha tshi amba nga ha dimoni. Zwo ralo, zwino, “dimoni, diabolo,” zwothe zwi bva kha ipfi lihlihi, huno nga Tshiisimane li vhidzwa “mushengedzi.” Muħθu a no shengedza ndi diabolo, ene muvhil. U ri...Zwino, Bivhili ḡamusi, kha vħunzhi, kha vhathu vhanzhi, ndi iñwe bugu ya kale ya murahu ye makhulu vha mukalaha na makhulu vha mukeġulu vha vhala, kana tshiñwe tshithu tshi no nga tshenetsho. “A hu na zwinzhi khayo, ndi

ya vhathu vho aluwaho, na vhañwe-vho.” Fhedzi izwo zwo khakhea. Ndi ya muñwe na muñwe. Huno madimoni ndi vhashengedzi vha no ri shengedza.

¹⁷ Zwino, hu na madimoni a no dzhena tuyani wa muthu, huno izwo ndi, kha fhungogake, izwo zwi do vha—izwo zwi do vha kha lone...ndi do amba izwi, naho, ðimoni li no dzhena tuyani ndi tshiñwe tshithu tshi no shengedza mya.

¹⁸ Zwifhinga zwinzhi ni nga vhona muthu khamusi wa tshipengo. Zwino, khamusi a nga kha di vha muthu o rembuluwaho, o ðalaho Muya Mukhethwa, huno nangwe zwo ralo a vha a tshi penga tshoþhe. Ni a vhona? Izwo ndi zwone. Izwo a zwi na mushumo na mya. Ndi mushengedzi, ni a vhona, tshiñwe tshithu tshi no vha shengedza.

¹⁹ Zwino, vhulwadze hoþhe, ri tea u wana u thoma zwauri vhulwadze hoþhe ho bva kha diabolo. Mudzimu a si musimuli wa vhulwadze. A hu na vhulwadze vhu no bva ha Mudzimu. Mudzimu nga tshiñwe tshifhinga u tendela Saðhane u vhea vhulwadze kha inwi, sa tshimebi tsha u ni vhuisa murahu nduni ya Mudzimu, musi ni songo thetshesesa. Fhedzi vhulwadze, mathomoni haho, vhu bva kha diabolo. Ni nga humbulela uri muthu a nga tenda uri Mudzimu, Khotsi ashu wa Taðulu, a nga vha musimuli wa tshithu tsho raloh tshi no nga vhulwadze na lufu? Zwo ralo, hai, Ha ene, na kathihi ho ngo vha, na kathihi ha nga do vha. Mudzimu u tendela lufu nga ñwambo wa u sa thetshesesa. Mudzimu u tendela lufu. Sa muñwe muñwali o ri, “Zwoþhe zwine lufu lu nga ita, Mudzimu o zwi pana kha kugoloi huno lu ri kokodzela ngomu Vhuhoneni ha Mudzimu, mutendi.” Fhedzi ipfi *lufu* li amba “u fhandekana.”

²⁰ Yesu o ri, “Ane a pfa Maipfi Anga huno a tenda kha We a Nthuma, u na Vhutshilo ha lini na lini.” Nahone O ri, “Ndi nné mvuwo, Vhutshilo, ane a tenda kha Nñé, naho o fa, nangwe zwo ralo u do tshila, huno ane a tshila huno a Ntenda a nga si fe na kathihi.” Huno ri hwala mivhili ya uyo na uyo nga ntháha hu u sa vha na vhukhethwa ha tshalo tshashu. “Fhedzi a nga si fe na kathihi.”

²¹ Zwino arali ni tshi do sedza musi A tshi amba nga ha Lazaro, O ri, “Lazaro o edela.”

²² Vhafunziwa, vhanna vha no nga riñe, vho ri, “Oo, arali o edela u ita zwavhuði. O vha a tshi khou amba u awela,” zwe vha elekanya.

²³ Fhedzi O da nahone a amba navho nga luambo lwavho. O ri, “O fa,’ zwine na tenda. Fhedzi,” ha pfi, “Ndi ya u mu vusa, u mu vusa.” Ni a vhona? Ni a vhona? Musi ni... .

²⁴ *Lufu* lu amba “u fhandekana.” Zwino, arali muñwe wañu a tea, muñwe wa muñwa wañu a tshi nga fa, kana tshiñwe tshithu,

ene u hone, arali o rembuluwa, ho ngo fa. Vho fa u ya nga tshiimo tsha vhatu. Fhedzi vho tou fhandekana na riñe, fhedzi vha Vuhoneni ha Mudzimu. A vho ngo fa, nahone vha nga si fe, a zwi konadzei uri vha fe. Yesu o ri, "Ane a pfa Maipfi Ānga huno a tenda kha Uyo we a Nthuma u na Vhutshilo ha lini na lini, huno a nga si dzhene khathuloni, fhedzi o bva lufuni a ya Vhutshiloni." Ngauralo, a nga si fe. Tshiñwe na tshiñwe tshire tsha vha uri a tshi fi, tsha U Ya Nga Hu Sa Fheli, a tshi nga lovhi. Ndi Vhutshilo vhu sa lovhi. U Naho ngauri Mudzimu o mu nea Hone. Huno a si—a si nga vhukoni; ndi nga . . . A zwi yi nga nyimele. Mudzimu u mu nea Hone.

²⁵ Mudzimu u a vhidza. A hu na muthu ane a nga da kha Mudzimu nnđani ha musi Mudzimu o mu vhidza. Yesu o ri, "A hu na muthu ane a nga da kha Nne nnđani ha musi Khotsi Ānga a tshi mu vhidza, a tshi mu kokodza." Izwo ndi zwone? Ngauralo ndi Mudzimu kha zweþe. Khamusi matshelo nga masiari ri do wana zwiþukunyana zwo engedzeaho nga ha izwo, ngauri ndi þodou fhirisela itshi tshithu tsha *vhulwadze*, kha inwi, u itela uri izwo ni zwi vhone.

²⁶ Ho vha hu na tshifhinga tshe ra vha ri kutshili kha makhulukuku vha mukalaha. Ni a zwi ðivha izwo. Dokotela u a zwi ðivha izwo. Ndi zwone, ni a ralo, na inwi-vho, vhoinwi vhavhalí vha Bivhili. Ni a zwi ðivha uri kutshili kwa vhutshilo kwo thoma kha makhulukuku wañu vha mukalaha, kha u vha kutshili, huno kwa bva nga kha makhulu wañu vha mukalaha, zwenezwo ngomu ha khotsi aña, zwenezwo kha mme aña na hune na vha hone zwino. Izwo ndi zwone. Luiwalo lu funza na zwenezwo. Ngolu Luiwalo lwañu arali ni tshi þoda. Ndi tenda uri lwo amba uri Levi o bvisa zwafumi zwiþa e khunduni dza Abrahamu, we a vha e makhulukuku wawe vha mukalaha. Izwo ndi zwone? Ngauralo, ni a vhona, kutshili ku vha hone murahu hangei.

²⁷ Fhedzi mimuya ya vhoinwi yo itwa shango li sa athu tewa, zwiþa Mudzimu a tshi sika muthu nga tshifanyiso Tsha Ene muñe; muya wa muthu; hu si *ene* muthu nga tshifanyiso Tsha Ene muñe, fhedzi *muthu* nga tshifanyiso Tsha Ene muñe. Ni a vhona? Huno zwenezwo O vha ita wa tshinnani na wa tshisadzi, A sa athu vhuya a vha na muthu buseni la lifhasi. Ndi tama ngavhe ro vha ri na tshikhala masiari ano, ra dzhia tshifhinga tshashu huno ra humela murahu kha izwo. Itonu vhona ndila ye Mudzimu . . . Zwino, zwi vhukati ha mutalo, fhedzi, musi ni tshi vhona, zwi da nñha na mutalo. Ni a vhona? Nga ndila ye Mudzimu, murahu ngei mathomoni, zwe A zwi ita henengei, na nga ndila ye A sudzulutshela fhasi ngomu ha lifhasi na nga ndila ye A ita muthu nga tshifanyiso Tshawe; huno zwenezwo Mudzimu a rembuluwa huno a itwa nga tshifanyiso tsha muthu, u rengulula muthu.

²⁸ Zwino, musi Mudzimu a tshi ita muthu nga tshifanyiso Tshawe, o vha e munna wa maya. Huno zwenezwo ho vha hu si na muthu wa u lima mavu. Zwenezwo A sika muthu nga buse la lifhasi. Zwino, vhagudi vha zwifhinga, na zwiñwe-vho, na avha vhathu vha no ḥoda huno vha wana marambo a kale, na zwiñwe-vho, nahone vha tenda kha mveledziso nga vhułku...ndi tenda kha lushaka lu re lwone lwa mveledziso nga vhułku. Muthu u bvelela nga vhułku a tshi bva kha ene muñe, fhedzi hu si zweithe zwi bvaho kha sele nthihi. Hai, muñe wanga, ngauri tshi—tshiñoni tsho vha tshiñoni u bva tshe Mudzimu a tshi ita tshiñoni, huno thoho yo vha ḥoho, muthu o vha muthu. Izwo ndi zwone.

²⁹ Zwino, ndo vha ndi tshi khou amba na dokotela fhano tshifhinganyana tsho fhiraho, kha la Louisville. A ri, “Mulandu, Vhaf. Vho-Branham!” Ndo vha ndi tshi khou amba nga ha ndila ine ngwanivhapo vha Afurika, ndila ine vha la, vha sokou tsela fhasi nga...Oo, zwiñwe zwa zwithu zwo vhfhesaho zwine ni nga vhuya na zwi vhona, nga ndila ye vha vha vha tshi ḥo la! Vha sokou doba zwithu zwo tshikafhadzwaho, zwi re na mbungu, vha sokou zwi dzungudza, tshivhungu na zweithe. A zwi iti phambano khae. Ni a vhona? Vha ri...Inwani tshiñwe na tshiñwe, a zwi iti phambano zwine zwa vha zwone. A ri, “Fhedzi, Vhaf. Vho-Branham, avho vhathu a si vha muthu.”

Nda ri, “Oo, ee, ndi vhone. Ndi vha muthu ngangohoh.”

³⁰ Nda ri, “Tshithu tsha tsinisa kha muthu, kha mutalo wa phukha, ndi tshimpanzi. Huno no lingedza lwa miñwaha ya zwigidi zwiñia u wana u niñuna huthihi hu bvaho kha itshe tshimpanzi, huno a tshi koni u zwi ita,” nda ri, “ngauri a tshi koni u elekanya. A tshi na tshithu tsha u elekanya ngatsho.” Oo, ni nga tshi gudisa zwithu zwiłku vhunga bere, hii na haa, kana na ambadza dzingilasi, kana na daha sigara, kana na tshi imisa nkawe kha baisigira, tsha namela bere, kana tshiñwe tshithu tshi no nga tshenetsho, fhedzi u tou fana na hii na haa, kha bere, kana kha mmbwa kana tshiñwe tshithu tshi no nga tshenetsho.” Nda ri, “Ndi tshone phukha.”

³¹ “Fhedzi inwi ntendeleni u humela murahu kha la Afurika, kha lushaka lu songo tshilotshedziswaho lune vha vha nalwo, huno ulwo ndi lushaka lułku lwa murwa.” Huno nda ri, “Thańwe makhlukukukuku vha mukalahya vhawé a vho ngo vhona mutshena kana tshithu na kathihi. Tshithu fhedzi tshire a ñivha, ha ñivhi na uri tshanda tsha u la na tsha monde ndi tshifhio. Tshithu fhedzi tshire a ñivha ndi u la, nahone u la zwine a nga zwi fara nga zwanda zwawe, arali hu ñama ya muthu, tshiñwe tshithu-vho, a zwi iti phambano khae, tenda a tou la. Fhedzi i ri ni ndi mu wane e na miñwaha miñanu, na kha miñwaha ya fumiñhanu u ḥo amba Tshiisimane tshavhuđi nahone a vha na pfunzo yavhuđi. Mulandu? U na

muya. Mudzimu o mu ita muthu, huno na ene u na pfanelo nga maanda ya u pfa Mafhungo-madifha, kaṭukuṭuku luthihi, vhunga ri nayo ya u rera u mona hafha, hoṭhe-hoṭhe Amerika, kha vhathu, u dovha na u dovha na u dovha, huno ri tshi luvheledza, ri tshi fhembeledza na tshiñwe na tshiñwe. I ri ni a a pfe nga tshiñwe tshifhinga, huno ni sedze luzhambo lwawe na u gidimela alitarini nga u ḥavhanya vhukuma.” Ni a vhona? Ee, muṇe wanga!

³² Izwo ndi zwine mbilu yanga ya vha zwone, mukomana, ḥamusi, musi ndi tshi elekanya nga ha Afurika, na izwo zwanda zwiṭuku zwitswu zwi ṭungufhadzaho zwi tshi ima, zwi tshi ri, “Mukomana Branham, tshiñwe hafhu tshifhinga nga ha Yesu!” Oo, khathutshelo! Hu na tshiñwe tshithu ngomu hanga tshi no gwa na u swa. Huno nga u ḥavhanya fhedzi ndi tshi wana tshelede yo edanaho, ndi ya henengei, na nne-vho. Izwo ndi zwine nda ita nga peni iñwe na iñwe ine nda i wana, tshiñwe na tshiñwe, Mudzimu u a ḫivha, nga nn̄dani ha zwine ndi nga la. Huno vhathu vhanzhi vha nneea zwiambaro zwanga. Huno izwo fhedzi zwine ndi nga tshila ngazwo, nne muṇe, nda sendela tsini nga hune nda kona, ndi zwi posela henefho ngomu ha zwikwama zwa vhurumiwa zwe muvhuso wa zwi vhekanya. A thi vhuyi nda bvisa muthelo wa mbuelo khazwo. U wana dolara dza zwigidi zwiraru kana zwiṇa, zwiṭanu, huno ndi zwi pfukisela henengei huno nda rera Mafhungo-mađifha kha vhathu vhane nda ḫivha uri nga ilo ḫuvha ndi do tea u ḫifhindulela. Nahone ndi do zwi ḫivha zwine nda qo zwi fhindulela.

³³ Ndo vha ndi tshi anzela u ralo, musi ndi tshi dzhena muđini, ndo vha ndi tshi fara muṭangano muhulu murahu musi vho vha vhe na tshelede nnzhi, huno vhe na mafulo mahulwane na dolara dza zwigidi, ndo vha ndi tshi zwi ḥekedza Tshifhambano Tshitswuku na zwiñwe-vho. Zwino, zwino, hu si u wana gundo ngavho, fhedzi u tsa nga tshiṭaraṭa nga modoro wa doļara dza zwigidi zwiṇa, ndo ambara gunubu khulu dza daimane, ndi tshi khou daha sigara, nahone doļara dza madana maṭanu nga vhege kha tshelede ine vhathu vha lwalla-... Hai, muṇe wanga! Hai, ngoho! Huno kha izwi, zwenezwo ni tshi tou bva mudini, vha ri, “vhavhumbuluwi vhakhethwa,” na tshiñwe na tshiñwe tshi no nga tshenetsho, huno vha tshi tamba, nahone vha tshi tukufhadza vhurereli vhune ra vhu imela. Hai, muṇe wanga!

³⁴ Ndi a i dzhia nne muṇe, nahone phanda ha Mudzimu sa Muhaṭuli wanga, ndi i džhenisa mushumoni wa Mafhungo-mađifha hangei, ngauralo ndi a zwi ḫivha uri nga ilo ḫuvha line nda do... musi ndi tshi do tea u ḫifhindulela zwa vhukoma hanga, vhu ḥewa zwone-zwone. Izwo ndi zwone kokotolo, ngauri ndi a limuha uri ndi tshi fara vhathu ndi khou fara Mudzimu. Vhuđifari hanga fhedzi kha inwi ndi vhuđifari hanga kha Kristo. Huno vhuđifari haṇu kha nne ndi zwenezwo zwithihi, izwo ndi zwone, kha Kristo.

³⁵ Zwino, u vhona vhathu vha no nga vhenevho, na u vhona ndila ine muthu, zwenezwo, e na maya u sa fi zwino, une u nga si fe, u nga si lovhe, u nga si ite tshithu nga nn̄da ha u vha na Vhutshilo ha lini na lini, he Mudzimu nga tsha vhuhulwane, nga lufuno Lwa Ene muñe, a ni ñea hone. Huno zwino, zwenezwo, zwino ndi...

³⁶ Kha ndi khakhulule izwi zwiukunyana fhedzi, kana ndi ambe tshiñwe tshithu. Muñwe u khou do tuwa huno a ri, "Mukomana Branham ndi wa Calvin." Hai, a thi ene. Ndi wa Calvin zwenezwo zwa Calvin zwi Bivhilini. Fhedzi musi zwa Calvin zwi tshi bva Bivhilini, zwenezwo nñe ndi wa Arminia, ni a vhona. Ndi tenda kha vhukhethwa nahone ndi tenda kha zwa Calvin, na zwone-vho. Fhedzi, vhuvhili hazwo, tshiñwe tshi bvela nn̄da kha davhi huno tsha ya thungo *iyi*, huno tshiñwe tshi bvela nn̄da kha davhi huno tsha ya thungo *iyi*. Arali ho vha hu si Bugu ya Vhaefesa, u zwi vhuisa na u zwi vhea fhethu hu re hone he Mudzimu a ralo, ro vha ri tshi do vha ro vhilingana roþe. Fhedzi vhuvhili hazwo zwi na pfunzo, fhedzi dici ya kha mbeu i re khadzo, iñwe na iñwe, izwo ndi vhukhethwa na vha Calvin, na vhone-vho, vha Arminia. Zwino, vha Calvin vha na tshiñwe tshithu tsha ngoho. Ndi tenda uri, uri pfunzo ya Calvin...

³⁷ Ndi a zwi tenda izwi. Nga tsireledzo, ndi tenda uri Tshivhidzo tshi na Tsireledzo ya U Ya Nga Hu Sa Fheli. Muvhali muiwe na muñwe wa Bivhili izwo u a zwi divhā, ngauri Mudzimu o no di amba uri Tshi do bvelela hangei tshi si na badzi. Izwo ndi zwone? Zwenezwo, Tshi khou yo vha hone. Naa izwo ndi zwone? Bi... Tshivhidzo tsho tsireledzea lwa U Ya Nga Hu Sa Fheli. Zwino, inwi ni Tshivhidzoni, ndi tshithu tshi tevhelaho. Arali ni Tshivhidzoni, two luga, no tsireledza na Tshivhidzo, fhedzi ndi khwine ni tshi dzula Tshivhidzoni. Huno ni dzhena hani Tshivhidzoni? Nga u khaðana? Hai. Nga u vhea dzina lañu buguni? Hai, muñe wanga. "Nga Mayu muthihi rothe ri lovhedzelwa Muvhilini muthihi." Huno uyo Muvhili, Mudzimu o u hatula ngei Khaðivari, wo vha u Muvhili wa Yesu Kristo, huno ri lovhedzelwa ngomu ha uyo Muvhili nga Mayu muthihi. Ri na Tsireledzo ya U Ya Nga Hu Sa Fheli zwenezwo ri kha Muvhili wa Kristo, a hu na tshine tshi nga ri fhandekanya, a hu na tshine tsha ri kwama. Arali na bva, ni bva nga u funa hañu. Fhedzi sa izwo zwi ngoho, arali ni kha Muvhili wa Kristo, sa izwo zwi ngoho zwauri Yesu o vuwa vhafuni, na inwi ni ðo vuwa-vho. Mudzimu o no di zwi ita izwo. O...

³⁸ Ni nga si tshinye. Oo, ni ita... ndi nga di vha ndi muitazwivhi mañoni añu, fhedzi arali nñe ndi kha Kristo, Mudzimu ha zwi vhoni, ngauri zwivhi zwawe zwi a pfumelela... Malofha Awe a pfumelela zwivhi zwanga henengei. Ni a vhona? Ndi nga si ite tshivhi. "O bebwaho nga Mudzimu ha iti tshivhi, ngauri ha koni

u ita tshivhi. Mbeu ya Mudzimu i dzula i khae.” Ni a vhona? Ene, u a funa u ralo, arali a tshi ita khakho, ngoho, nga tshifhinga tshenetsho u a funa u i bula. Arali a Mukriste wa vhukuma, u do zwi ita. Arali a tshi i dzumba, u sumbedza uri ha na tshithu, tsha u tou thoma. Izwo ndi zwone. Ha na tshithu, u thoma ngazwo. Fhedzi arali a Mukriste wa vhukuma . . .

³⁹ Henehafha, ni rothedza thoro ya goroi mavuni, tshifhinga tshothe i do vha thoro ya goroi. Tshene dzi nga di mona nayo hothe, na tshiñwe na tshiñwe-vho, fhedzi i do vha thoro ya goroi zwenezwo yo ima. Izwo ndi zwone? Huno arali muthu zwa vhukuma o bebwa nga Muya wa Mudzimu, ha dzheni huno a bva, huno murahu na phanda, na ngei nnda shangoni na hangeno. Hai, muñe wanga. Hai, hai. Inwi a ni tshene nga liñwe duvha na thoró ya goroi duvha li tevhelaho. Mudzimu izwo ha nazwo tsimuni. Ee, muñe wanga. Arali no bebwa nga Muya wa Mudzimu, ni Mukriste u bva tshifhingani tshenetsho u swika . . . u swika ni tshi ḥuwa, huno zwenezwo ni—ni a sa fi, na Mudzimu. Izwo ndi zwone, arali ni Tshivhidzoni.

⁴⁰ Zwino, zwino kha ri ambe nga ha sia la lufu. Zwino, naa muthu e kha itsyo tshiimo, kha ulwo lushaka lwa nyimele, a nga vhuya a lwala hani? Ndi ngauri muvhili wañu u sa athu rengululwa. Muvhili wañu a wo ngo rengululwa. A hu londwi uri zwingafhani, uri ni wawhudzi hani, na uri no khethea hani, na uri ni mukhethwa hani, na uri Muya Mukhethwa mungafhani, izwo ndi myua wañu fhedzi. Huno myua wañu a u athu vuledzwa. Wo tou wana Phaṭhutshedzo, pfulufhedziso ya Mudzimu, ine ya vha muthetshelo wa tshidzo yashu. Fhedzi zwino arali ri si na muthetshelo wa mvuwo yashu, hu si na phodzo ya Muya, zwenezwo a thi nga vhi na khwaṭhisdedzo kana tshithu tsha u ntsumbedza uri hu na mvuwo.

⁴¹ U tou fana na arali Kristo a sa tshili mbiluni yanga, arali ndi tshi tea u zwi dzhia kha luñwe lushaka lwa tshi—tshithu tsha saikholodzhi ngei murahu, ndi tshi tea u tenda huñwe fhethu nga ndila iyo, zwo ralo, zwenezwo ndi—ndi—ndi do vha a zwi timatimaho zwituku. Huno itsyo ndi tshone tshiitisi, ngei kha la Afurika, musi vha tshi da, ngeno hu da vhafunziruñwa, vha tshi disa avho vhangwaniwapo vha zwigidi, huno vho vha vho hwala zwifanyisamudzimu zwituku zwa kale zwa thophe na tshiñwe na tshiñwe-vho, ndi nga nthani ha uri vha tshi kha di bvou pfa sia la saikholodzhi la Bivhili. Izwo ndi zwone. Huno tshivhidzo tshanga nñe muñe ndi Baphuthisi, Methodisi, Puresbiterieni, vhothe vhe vha dzhena ngomu henefho. Fhedzi musi vho no vhona maanda a Mudzimu a tshi da nga tsumbedzo, izwo zwo li ladza, vha zwi ḫivha nga itsyo tshifhinga uri Mudzimu o vha e Mudzimu.

⁴² Fhedzi, zwino, ndi tshini tshi no thoma uvhu vhulwadze? Zwino, tshithu tsha u thoma, ndi myua tshi sa athu vha

vhulwadze, u tou fana na zwe na vha ni maya ni sa athu vha muthu. Zwino ndi khou yo dzhia Mukomana Willett hafha sa tsumbo. Mukomana Willett, ndi... Ho vha na tshifhinga tshe inwi na nne ra vha ri si tshithu. Huno zwenezwo tshithu tsha u thoma, Mudzimu a ri nea hone vhutshilo. Huno kha ri dzhie, ri ri, arali ndi tshi tsitsela muvhili wañu fhasi masiari ano, no itwa nga tshivhalonyana tsha dzisele, zwo farekanaho nga dziatomo. Huno zwino, nga liñwe duvha idzo atomo dzi do tshinyadzwa, arali Yesu a tshi lenga. Ni do humela murahu. Dzi do tou nga zwe dza vha dzi zwone ngei mathomoni, dza humela murahu tuyani. Fhedzi musi maya wañu u tshi vhuya, idzo atomo dzi do kuvhangana hafhu na uyu maya huno dza bveledza muñwe Mukomana Willett a no tou fana na uyo muñwe, fhedzi e muswa, musi o vha e kha zwawe zwa khwinesa.

⁴³ Musi munna a tshi fhira miñwaha i no todou swika ya fumbilithanu, u wana maonyeonye a si gathi fhasi ha mañó awe, na dzinwe mmvi dzi no khou dzhena. Dzi khou yo vha hone, ngauri lufu lwo ni sala murahu. Huno nga liñwe la aya maduvha lu khou yo ni dzhia. A hu londwi uri ni nnyi, lu khou yo ni dzhia. Fhedzi nga zwiñuku lu... Ni do dzhena khudani hafha, huno Mudzimu a ni bvisa kha iyo khudá, huno ni dzhena kha ino khudá *hafha*, lufu lu do todou ni wana, na nga hangeno, fhedzi nga murahu ha tshifhinganyana lu do ni wana. Fhedzi zwenezwo, zwine lufu lu nga ita, lu dzhia zwalwo nga vhudalo, huno zwenezwo kha... musi lwo no ita zweþe zwine lu nga ita... Musi Mudzimu a tshi ni nea uvhu vhutshilo, huno no vha ni kha zwañu zwa khwinesa, ni tshi todou vha na ya fumbiliraru, musi ni tshi dzhena kha muvwo ni do vhuya kokotolo ni tshi fana na zwe na vha ni zwone musi no vha ni na miñwaha ya fumbiliraru, fumbilithanu, lufu lu sa athu dzhena. Lufu lu do vha na tshiñwe na tshiñwe tshine lu nga ita. Lwo dzula ngomu henefho, fhedzi ni do vhuya henefho murahu nga ndila ye na vha ni ngayo.

⁴⁴ Zwino, arali iñwe na iñwe ya sele dzanu—dzanu muvhilini wañu, kha ri u tsitsele fhasi zwino, ni da sele na sele, sele na sele, huno na i vhea thungo hafha kha pulatifomo, u ya nga sele iñwe na iñwe muvhilini wañu, ni do tsela fhasi kha kutshili kuthihi kutuku he na thoma, ku sa vhonwi nga ito la mupo. Ni tea u sedza nga ngilasi dzi no hudza. Ndo no vhonwa kutshili kwa vhutshilo nga tshivhonatsini. Ku tou nga ludzi luþukunyana. Huno tshithu tshi no thoma tshi henefho kha mutodo, tshi tounga pfundo lituku. Iyo ndi sele ya u thoma þukhu i no kuvhangana nga nñha ha sele.

⁴⁵ Zwino, arali ndo vha ndi tshi do tea u dzhia iyo sele nthihi þukhu i yoþhe ine muñwe na muñwe wañu a bva khayo, sele nthihi þukhuhukhu, kutshili... Naa kutshili ndi mini? Kutshili ndi sele þukhuhukhu, þukhusa. Zwo ralo, naa ndi mini nga

murahu ha iyo? Zwino, ndo ni tsitsela fhasi u bva kha tshipida tshiñwe na tshiñwe tshanu, fhasi u swika kha iyi sele þukhu nthihi, huno a thi athu ni wana. Ndo tou adza sele dzanu. Zwo ralo, zwenezwo, tshithu tshi tevhelaho, sele dza malofha, na sele dza ñama, na zwiñwe na zwiñwe zwine dza vha zwone, ndi tshi dzi adza dzotha hafha, fhedzi a thi athu ni wana. Zwino, ndi fhasi kha kutshili kuthihi zwino. Zwo ralo, ndi khou yo vhetshele thungo iyo sele þukhu. Zwino, naa ni ngafhi? Vhutshilo hanu. Huno vhutshilo vhu ita sele ya u thoma, ine ya vha kutshili, zwenezwo tshiñwe na tshiñwe u ya nga mvelo yatsho; mmbwa u ya nga mmbwa, tshinoni u ya nga tshinoni, muthu u ya nga muthu. Sele dzi bveledzaho, sele kha sele, sele kha sele, dzi da hune na vha hone, muthu, u bveledzwa ha dzisele. Zwino, izwo zwe tiwa nga Mudzimu uri zwi vhe nga u ralo.

⁴⁶ Fhedzi, zwino, mini-ha nga ha pfuko? Kha ri ambe nga hayo zwiñukunyana. Zwino, Mudzimu o ni nea vhutshilo hanu. Nahone kha ri ri, ngefa ni fhano ñamusi, ngefa ndi fhano nne, a hu—a hu na tshithu kha tshanda tshanga, fhedzi hu nga di vha na pfuko kha tshanda tshanga nga tshiñwe tshifhinga. Zwo ralo, iyo pfuko yo swika hani afho? Kha ri vhone zwine iyo pfuko ya vha zwone, zwino kha ri i vhetshele thungo, kha ri ye u i dzhia. Zwino, ndi tshivhalonyana tsha dzisele, na tshone-vho. Naa izwo no zwi ñivha? Tshizwimbo, tshitsiraito, tshiñwe na tshiñwe tsha izwo zwithu ndi dzisele. A dzi na tshivhumbeo. Dzinwe dzadzo dzi a phaðalala, huno dzinwe dzi nga buvhi, huno dzinwe dzi nga...hu gidima mavhala, pfuko tswuku, u tou fana na thale ndapfu tswuku dzi no gidima nga kha...Huno zwenezwo hu na pfuko ya rosi ine kanzhi ya da kha ñamu la musadzi, i tou nga khekhe dza pani dzo þophekana, huno zwenezwo dzi a phaðalala. Nahone dzi sokou aluwa huñwe na huñwe.

⁴⁷ Nga tshiñwe tshifhinga zwibvo zwi vha zwo tshingama, nga ndila iyi, zwo lapfa, zwi khuðandeina, na tshiñwe na tshiñwe. A zwi na tshivhumbeo, ngauri zwi fana na maya une wa sa vhe na tshivhumbeo. Fhedzi ndi u bveledzwa ha dzisele. Ndi tshivhalonyana tsha sele dzi, ambaho uri, kha inwi zwa zwino hu na tshizwimbo kana pfuko, i khou bveledza dzisele, i khou aluwa, i khou aluwa, i khou aluwa. I khou ja, i khou mama vhutshilo hanu kha inwi. I khou tshila lutsingani lwa malofha. Zwitsiraito zwi dzhia malanga a ito huno zwa aluwa henefho ñtha halo, zwa ditibeda, zwa vala maþo anu. Zwiñwe zwazwo zwi a ña huno na kathihi a zwi wani...vhunga lufhiha, lu no tou ña nga kutshili kutukutuku. A hu na tshi no edana nakwo nga vhuhulu. Kutshili kwa vhuhulu honoho vhuthihi ku ita ndou, ku ita dze—dzedze. Ni a vhona? A hu na tshi no edana na kutshili nga vhuhulu.

⁴⁸ Huno zwiñwe zwazwo zwi dzhia tshivhumbeo tsha muvhili, zwiñwe na kathihi a zwi ralo. Huno zwiñwe a zwi dzeni kha

dzisele na kathihi. Zwiñwe zwi vha maya, zwi shengedza maya. Ri do lingedza u wana itsho tshipida, ndi do litsha itsho tshipida u itela matshelo nga masiari, arali ndi tshi nga kona, hune iyo mbilu-maya ya ða, na uri hani phasi ha *hafha*.

⁴⁹ Huno zwino, dzikhonani, a thi khou amba izwi zwi tshi bva kha luñwe lushaka lwa saikholodzhi. Ndo shumana na madimoni lwa miñwaha, nahone izwo ni a zwi ñivha. Arali no vha no ñivha itsho tshithu fhedzi, nga murahu ha musi tshumelo dzo no fheala vhusiku, zwine zwa bvelela tshiñwe tshifhinga. A ni zwi ñivhi. Elelwani, musi ni tshi lwa na maya, ndi khwine ni tshi zwi ñivha zwine na khou amba nga hazwo. Ni songo sokou ima heneffo huno na bvela phanda, ngauri a zwi khou yo ni farisa tshithu. Fhedzi zwa vhukuma musi dimoni li tshi tea u ni thetshelesa, li do zwi limuwa. A zwi yi nga uri ni huwelela na pfala hani, a zwi yi nga uri ni dodza mapfura mangafhani. Ndi tshine tsha vha afha murahu tshine a ño tshi limuwa, Ngoho. Yesu o tou amba nalo, “Ibva.”

⁵⁰ Elelwani, vhafunziwa vho vha vha tshi khou raha na u thwista, huno vha tshi khou lingedza u li pandela, na tshiñwe na tshiñwe. Vho ri, “Ndi ngani ro kundelwa u li pandela?”

Ha pfi, “Nga ñwambo, wa u sa tenda hanu.”

⁵¹ Ha pfi, “Ibva khae.” Mutukana a wa huno a vha na tshifakhole tshi lemelesaho tshe a vhuya a vha natsho. Ni a vhona? Ni a vhona? A limuwa maandalanga.

⁵² Sedzani avho vhatukana afho phasi, avho vhatendeleki vhe vha vhona Paulo a tshi pandela vhodiabolo. Vho ri, “Ri nga ita zwenezwo zwithihi,” vhañwe vharwa vha tshifhe. Ngauralo vha tsela phasi huno vha ri, “Ri nga pandela vhodiabolo.” Mishumo 19. Vha tsela phasi kha munna we a vha e na tshifakhole tsha vhulwadze ha vhüaledzi, huno vha ri, “Ri a u laya, nga Yesu. Ibva khae!” Diabolo a amba, zwino, “Nga Dzina la Yesu ane Paulo a mu rera!”

⁵³ Diabolo a ri, “Zwino, ndi a mu ñivha Yesu nahone ndi a mu ñivha Paulo, fhedzi ni vhonnyi?” Ni a zwi ñivha zwe zwa bvelela. A fhufhela kha munna, a kherukanya zwiambaro zwavho, huno vhone vhañwe vha vha na tshifakhole, huno vha gidimela nnða tshiñarañani.

⁵⁴ Ayo madimoni eneo mathihi a a tshila ñamusi, ngauralo hu na vhusweleli vhunzhi ho kalulaho. Itshi ndi tshivhidzo, madekwana ano. Hu na vhusweleli vhunzhi ho kalulaho shangoni ñamusi, vhu no vhidzwa phodzo ya Muya, vhu no tea u valiwa. Itsho ndi tshine tsha ñisa lunyadzo kha Tshipikwa tsha vhukuma. Ndi ngazwo ni na u kakarika ho raloho hu lemelaho. Hu na zwithu zwinzhi zwi no vhidzwa vhurereli, ñamusi, zwi no tea u valiwa. [Tshikhala kha theiphi—Mudz.] A si tshithu nga nnða ha vhukheluwi! Itsho ndi tshine tsha ita uri Tshivhidzo tsha Mudzimu tsha ngoho tshi vhe na u

kakarika ho raloho hu lemelaho naho. Fhedzi rine ri Amerika, ni a vhona, iyo ndi ndila i no tea u vha yone. Mudzimu u ri goroi na zwikokovhi na mipfa two aluwa fhethu huthihi. Ni songo lingedza u zwi tupula. I ri ni zwi aluwe twothe, fhedzi nga mitshelo yazwo ni a zwi divha. A hu na mitshelo, mulandu, a hu na Vhutshilo, a hu na tshithu henefho.

⁵⁵ Zwino, sedzani iyi sele. Kha ri ri, sa tsumbo, vhunga tshifhinga tshinzhi, pfuko tswuku kanzhi i rwa mbumbeloni ya musadzi, makhrulelo a tshisadzini na zwiñwe-who. Zwino ilo, kha ri ise ilo, ilo dwadze fhasi zwino, kha sele yało, iyi-iyi pfuko. Zwino pfuko . . .

⁵⁶ Tshiñwe na tshiñwe kha mupo tshi fanyisa tsha maya. Naa izwo ni a zwi tshenzhela? Tshiñwe na tshiñwe kha mupo tshi fanyisa tsha maya, hu sa londwi uri mini.

⁵⁷ Sa tsumbo, vhunga izwi, musi-musi ri tshi bebelwa Muvhilini wa Kristo, zwi dzhia zwivhumbatsiko zwiraru u disa Mbebo yashu. Huno izwo ndi zwivhumbatsiko zwiraru zwe zwa bva vhutshiloni ha Kristo musi A tshi fa. Kha muvhili Wawe hu bva, madi, Malofha, Muya. Naa izwo ndi zwone? [Tshivhidzo tshi ri, "Ndi zwone."—Mudz.] Zwivhumbatsiko zwiraru, izwo ndi zwivhumbatsiko zwine ra fhira khazwo musi ri tshi bebwa hafhu: u itwa o lugaho, khethefhadzo, ndovhedzo ya Muya Mukhethwa. Zwino, izwo zwi nga vha kha nyito nthihi twothe. Fhedzi zwi dzhia . . . Fhedzi ni nga vha kha tshimo tsha u itwa o lugaho hu si na u khethefhadzwa. Ni nga tenda kha Murena Yesu Kristo huno na di hwala tshika yañu. Fhedzi ni nga tshila vhukumakuma kha vhutshilo ho itwaho ho lugaho nahone ho kunaho vhukhethwa, huno hu si na Muya Mukhethwa. Ni a vhona, Bivhili, Yohane Ya U Thoma 5:7, yo ri, "Hu na vhararu vha no tanziela ngei Tađulu, Khotsi, Murwa, na Muya Mukhethwa, na . . . Khotsi, Ipfi, na Muya Mukhethwa," vhe vha vha vhe Murwa, "huno avha vhararu vha muthihi. Huno hu na zwiraru zwi no tanziela lifhasini, madi, Malofha, na Muya, huno zwi andana kha muthihi." Hu si muthihi, fhedzi zwi andana kha muthihi. Ni nga si vhe na Khotsi ni si na Murwa; ni nga si vhe na Murwa ni si na Muya Mukhethwa, ngauri a vha fhandekanywi, muthihi. Vhuraruthihi vhu kha muthihi.

⁵⁸ A thi zwi pfi fhano, fhedzi ni pfa zwinzhi kha shango lothe, tshiñwe tsha zwithu zwihulwanesa kha zwigwada zwa Pentekoste, ndi u vhilingana kha itsho tshithu tshithihi tshi leluwaho. Huno ndo do vha na thoho dzavho fhethu huthihi nahone nda vha sumbedza uri vhothe vha tenda zwenezwo zwithihi. Ndi diabolo vhukati havho, ndi zwenezwo fhedzi. Arali itsho tshivhidzo tsha Pentekoste tshihulwane tshi tshi do ta- . . . tsha posa fhasi ayo maitele matuku, a kale huno vha diñanganya kha Tshivhidzo tsha Mudzimu tshithihi tsho fhañtshedzwaho, U Takulelwaa Tađulu ho vha hu tshi do da.

Fhedzi samusi Sāthane a tshi nga ita uri vha dzule vha sa pfani, zwo luga. Iyo ndi ndila yawe ya u zwi ita. Huno zwa vhukumakuma vhone vha tenda zwenezwo zwithihi.

Muñwe u ri, “Zwo luga, *itshi* ndi Itsho.”

⁵⁹ Nda ri, “Zwo luga, arali *itshi* tshi Itsho, zwenezwo Itsho ndi *itshi*.” Ngauralo ni hone heneffho. Ngauralo, ndi zwenezwo zwithihi zweþhe. Fhedzi ni hone heneffho, kha uvho vhuraru ha vhuraruthihi ha Mudzimu. Zwino, zwino, Mudzimu kha vhuthihi Hawe. Mudzimu Khotsi, Murwa, na Muya Mukhethwa. Zwino, a ri ri “midzimu yashu,” sa vhahedeni. Ndi “Mudzimu washu.” Ni a vhona? Ndi Muthu wa kararu wa Mudzimu.

⁶⁰ Zwino dzhielani nzhele, zwino, Sāthane na ene u kha vhuraruthihi. Na maanda awe a kha vhuraruthihi.

⁶¹ Zwino, fhedzi zwenezwo dzhielani nzhele musi maði, Malofha na Muya zwi tshi bveledza Mbebo ntswa. Naa izwo ndi zwone? Zwino sedzani. Izwo ndi zwone zwi imelaho Mbebo ntswa. Naa ndi mini tshi no imela mbebo ya mvelo musi Mbebo ntswa i sa athu ða? Musi... Vhoiñwi vhomme, musi ñwana a tshi bebiwa, naa tshithu tsha u thoma ndi mini? Maði. Tshi tevhelaho, malofha. Tshi tevhelaho, ni a vhona, itsho tshi ita vhutshilo, ni a vhona, tshi ita muthu. Maði, malofha, maya.

⁶² Zwino, pfuko, kha ri shumane nayo sa ñashu li tevhelaho. Ro salelwa nga miniti i no ðodou swika fumiñhanu, ndi a humbulela. Miniti i no ðodou swika fumiñhanu i tevhelaho, kha ri shumane na pfuko. Naa ilo dwadze ndi mini? Naa li imelani? Ndi mulazwofaho. U imela lianga, u la zwithu zwo faho. Huno pfuko i bva kha likhurulelo, nga maanðamaanda, he sele ya rwiwa nahone i—i a kwashea. Huno sele ñukhu ngomu heneffho i vha yo guneaho. Oo, ilo ndi ipfi lihulu kha Mubaphuthisi, a si lone? Zwo luga, fhedzi i a gunea, iyo sele. Nñe ndi Mubaphuthisi a no tenda kha u gunea.

⁶³ Muñwe o amba, fhasi hafha muñganoni wa Arkansas nga liñwe ñuvha, a ri, “Mukomana Branham,” a ri... O vha e muthu wa Munazaretha. O vha o fhodzwa. O vha e na yawe... U ya a tshimbila henengei doroboni, nga migo yawe i kha shaða ñawé. O ri, “Ni a ñivhauri mini?” Ha pfi, “Musi ndi tshi ña ngeno lwa u thoma,” a ri, “Ndo—ndo elekanya uri ni... ndo ni pfa ni tshi rera, nda elekanya uri ni Munazaretha.” A ri, “Zwenezwo nda vhona uri vhatu vhanzhi ndi vha Pentekoste, huno muñwe o mmbudza uri inwi ni wa Pentekoste. Huno zwino inwi ni ri ni Mubaphuthisi.” Ha pfi, “A thi zwi wani.”

⁶⁴ Nda ri, “Oo, izwo zwi a leluwa.” Nda ri, “Nñe ndi Mubaphuthisi wa Pentekoste ya Nazaretha.” Ngauralo izwo ndi—izwo ndi zwone. Zwo luga. Hai, ri vhatihi kha Kristo Yesu, nga Muya Mukhethwa u tshi ri ita vhatihi. Izwo ndi zwone.

⁶⁵ Zwino, dzhielani nzhele, iyi sele thukhu i a gunea musi i tshi khudzulwa. I thoma nga zwiṭuku. Zwińwe zwitshili zwiṭuku zwi a gidima uri zwi yo ḥekedza vhutshilo hazwo ngomu heneffo. Huno izwo ndi zwine vhulwa ha dzhena tshilondani. Ayo ndi maswole maṭukutuku a no khou lwela vhutshilo haṇu. A gidimela heneffo huno—huno a rwa uyo mulimo, ayo maanda a madimoni a no lingedza—lingedza u kuvhanganya ngomu heneffo, huno a ḥekedza vhutshilo hao. Izwo ndi zwine zwa ita... Izwo ndi... A tou vha tshivhalonyana tsha maswole maṭuku o faho, uvho vhulwa vhu re malofhani aṇu... vhu re kha—kha tshilonda, a no ḥekedza vhutshilo hao u tshidza haṇu.

⁶⁶ Zwino, musi sele thukhu i tshi landula ngomu heneffo huno ili dimoni li tshi thoma, i thoma u aluwa, i thoma u andisa dzisele. I khou fhaṭa muvhili u tou fana kokotolo vhunga vhuskie haṇu vhu tshi thoma mbumbeloni yaṇu, nahone sa zwe na ita kha mme aṇu. Sele n̄ha ha sele, sele n̄ha ha sele, sele, nga iñwe ndila, huñwe na huñwe; fhedzi, a dzi na tshivhumbeo tsha tshithu vhunga muthu, u ya nga ha mvelo yatsho. I tou bva kha muya. I tou aluwa nga iñwe ndila, huno i do thoma sele n̄ha ha sele, sele n̄ha ha sele.

⁶⁷ Huno zwino, tshithu tsha u thoma ni a ḫivha, ni do thoma u kulea nungo nahone na pfa ni tshi lwala. Ni ya ha dokotela huno u do ni thathuvha. Khamusi ha i wani. Arali a tshi ralo, khamusi u do i tshea. Arali a tshi nga i tshea tshoṭhe, zwo luga, no i wana. Fhedzi arali a si nga i tshei tshoṭhe, zwenezwo arali i mukuloni kana huiwe fhethu hune i si nga tshewi tshoṭhe, tshipiḍa tshiṭuku tshayo tshithihi tshi do bvela phanda na u tshila. Ni a vhona, ngauri a zwo ngo nga vhunga ni tshi do tshea tshanda tshanu huno na tshi lugisa, kana tshiñwe na tshiriwe, kana na tshea... Zwine nda khou amba, arali ni tshi do tshea muvhili muhulwane, huno na sia tshanda tshanu heneffo, mulandu, tsho vha tshi si nga tshili. Fhedzi—fhedzi, ni a vhona, iyo a i na tshivhumbeo tsha vhutshilo vhunga inwi ni natsho. Ndi maanda a dimoni a no khou tshimbila.

⁶⁸ Huno zwino dzhielani nzhele, ni zwi vhidza, dokotela u i vhidza, “pfuko.” Mudzimu u i vhidza “diabolo.” Sedzani namusi. Vha sokou i wana... Naa ipfi pfuko lo bvafhi? Li bva kha... kha ipfi la Tshilatini li no shumiswa kha teo dza vhuñanga, li no amba “dambatshekwa,” dambatshekwa line na li vhona tsini na vhugabelelo, li na milenzhe yoṭhe. Iyo ndi ndila ine—ine ya ita, i a swikelela, ya tharamuwa. Ipfi pfuko ndi dambatshekwa. Huno i a dzhena ngomu huno ya dzulela u fara nahone i tshi mama malofha i tshi tshimbila, vhunga octopus kana tshiñwe tshithu. Mulandu, tshizwimbo, tshitsiraito, na maiwe malwadze, vhuñwe na vhuñwe hao vhu bva kha kutshili, huno ukwo kutshili ku tea u vha muvhili. Huno ku sa athu vha muvhili, ku tea u vha

vhutshilo. Ku sa athu sika kana—kana u andedza huno kwa ita sele dzo engedzeaho, ku tea u vha vhutshilo. Izwo ndi zwone? [Tshivhidzo tshi ri, “Amene.”—Mudz.] Zwino, naa iyo pfuko yo bvafhi? Ndi nnyi, naa iyo yo bvafhi? Yo vha i si kha inwi hafha tshiñwe tshifhinga tsho fhiraho, fhedzi zwino khamusi i kha inwi. Naa yo bvafhi? Ndi vhuniwe vhutshilo ho fhambanaho na vhutshilo hanu, vhu no khou tshila ngomu hanu. Nahone vhu a shengedza, vhu tshi khou gwa vhutshilo hanu. Itsho ndi tsho itisaho uri Yesu a vhu vhidze “diabolo.”

⁶⁹ Vha vhu vhidza vhulwadze ha vhuṭaledzi ḥamusi, vha ri, “vhulwadze ha vhuṭaledzi.” Mulandu, vhulwadze ha vhuṭaledzi, Bivhilini, Yesu o vhu vhidza “diabolo.” Musi munna a tshi ḫa na mutukana we a wela mavuni, huno a bva bulo mulomoni, na tshiñwe na tshiñwe, o ri, “U na diabolo, huno zwifhinga zwinzhi u mu posela muliloni, maᬁini.”

⁷⁰ Zwino vho pholisha dzina ḥaho huno vha vhu vhidza vhulwadze ha vhuṭaledzi, fhedzi ndi diabolo. Huno Yesu o ri, “Iwe diabolo, ibva kha uyo ḥwana!” Kokotolo. Zwino, vhulwadze ha vhuṭaledzi kanzhi vhu vhangwa nga vhuleme ha tswio. Khamusi ni ḫo dzhena kha izwo ngavhuyanyana. Ni a vhona? Vhu vhangā vhulwadze ha vhuṭaledzi, vhu bvaho kha yuremiya.

⁷¹ Zwino, dzhielani nzhele kha izwi, zwenezwo iyo sele i dzula heneffo, ndi diabolo. I khou fhaṭa vhutshilo; i khou aluwa, i khou vha khulwane na khulwane. I na mushumo muthihi une ya tea u ita, une wa vha, wa u dzhia vhutshilo hanu. Itsho ndi tshe diabolo a i rumela tshone, u tumula maᬁuvha aᬁuri a si vhe a mahumi a rathi na a fumi.

⁷² Zwino, ndi vusa dokotela muñwe na muñwe. Ee, muñe wanga. Saintsí iñwe na iñwe ya vhuñanga, Mudzimu nga a vha fhaṭutshedze kha thuso ye vha i itela vhathe. Izwo ndi zwone. Naa no vha ni tshi ḫo itani shangoni ḥamusi ni si nayo? Ndi livhuwa Mudzimu kha saintsí ya vhuñanga. Ndi livhuwa Mudzimu kha modorokara wanga. Arali Mudzimu o vha a songo tendela saintsí u ita modorokara, ndo vha ndi tshi ḫo vha na tshifhinga tshi lemelaho ndi tshi tshimbila u swika ngeno. Kha mbone dza mudagasi, na kha tthisibe tsha u ṭamba zwanda zwanga ngatsho, na tthisibe tsha mano tsha u hwaya mano anga ngatsho, zwa vhukuma. Ndi a Mu livhuwa kha tshiñwe na tshiñwe, ngauri zwithu zwavhuđi zwothe zwi bva ha Mudzimu.

⁷³ Fhedzi i ri ni ndi ni vhudze, a hu na na tshipida na tshithihi tsha mushonga tshe tsha vhuya tsha fhodza vhulwadze. Huno a hu na na dokotela na muthihi, nndani ha musi a muñwe mulañanga, fhedzi dokotela wa vhukuma u ḫo ni vhudza uri a vha ḫiiti vhafhodzi. Afho kha Vhakomana vha Mayo, vhunzhi hanu...ndo no vha na muvhudzisano heneffo, luvhili kana

luraru. Ha vhalwadze vha no da vha tshi bva heneffo, vha sa fholi... Ni vhala *Reader's Digest*, nzudzanyo ya Lara? Ndi vhangana vho vhalaho nzudzanyo ya Lara, ilo lianetshelwa langa ngomu heneffo, kha *Reader's Digest*? Ni a vhona? Huno vho no tangana na nne henengei nthia, muvhudzisano wa lushie lwe vha lu litshedza. Ha pfi, "A zwo ngo kona u itwa." Fhedzi Muya Mukhethwa wo amba na nne huno wa mmbudza uri zwi do itwa hani, huno zwa itwa. Zwo luga. Zwino, vho mmbidza henengei nthia. Huno heneffo nga nthia ha muñango he Jimmy na vhañwe, Mayo o vha a tshi anzela u vha henengei, ho vha hu na tshiga tshihulwane tshe tsha ri, "A ri diiti vhaftodzi. Ri diita fhedzi vha no thusa mupo. Hu na Mufhodzi muthihi, uyo ndi Mudzimu." Ndi vhone vha khwinesa shangoni. Zwino, ri na vhañañanga vha si gathi, ee. Izwo ndi zwone. Ri na vhañañwe vhareri vha vhañañanga, na vhone-vho. Zwo luga. Ngauralo, izwo zwi tshimbila matungo othe.

⁷⁴ Dzhielani nzhele, fhedzi munna muñwe na muñwe a no diita uri ndi ene mufhodzi, ndi ene muanetsheli, ngauri a nga si zwi ite. Ngauri Bivhili yo ri, "Ndi nne Murena A u hangwelaho zwivhi zwau zwothe nahone a fhodzaho malwadze au othe."

⁷⁵ Ndo vha ndi kha dzingudo. Nahone lufherani lwanga, one...mañwe a madokotela a khwinesa kha lushaka lwothe o da. A ni divhi nga murahu ha vhutshilo, khonani, u divha zwe zwa vha hone, na zwithu zwine nda sa zwi ambe vhathuni. Vhanna vha da nga ndila ya tshimbevha. Huno ni songo elekanya uri a hu tshe na Vhonikodima vhanzhi shangoni; ngoho vha hone, zwigidi zwavho. Vha a sedza izwo huno vha da muñanganoni. Vha dzula heneffo vho ambara hembe ya T, tshiñwe tshithu tshiñwe tshi no nga tshenetsho, vhe na madzina o pholishwaho ane ni nga mangala, vha dzula heneffo muñanganoni. Nga mađuvha a si gathi vha nangavhedza huno vha founela ngomu nga ndila ya tshimbevha, nahone vha rumela muñwe u itela muvhudzisano. Huno ambani zwa zwino, i ri ni, "Mukomana Branham, ndi a tenda uri Izwo ndi Ngoho." Ndi vha vhathu u tou fana na riñe. Ngoho. Huno munna muñwe na muñwe u khou tama u sedza nga phanda ha ulwo lupila lwo swifhalaho hangei lune a tea u fhira khalwo nga linwe ñuvha.

⁷⁶ Fhedzi idzo pfuko na izwi zwithu zwa vhukumakuma ndi vhodiabolo vho vhumbleaho muvhilini wa ñama, vha yaho nthia, vha tshi dzhia vhutshilo hanu.

⁷⁷ Zwino, arali ndi tshi do ita vhunga dokotela, arali ndi tshi nga i tshea, nda i vhea mavuni... Kana, u tou nga, i ri ni, sa tsumbo, no vha ni pfuko, inwi mune, kha ili lifhasi. Zwino, phodzo ya Muya ngeyi. Arali ndo vha ndi tshi toda u ni tuwisa nga ndila ya ndila ya dokotela, ndo vha ndi tshi do tou vhulunga... nda tea u raba muvhili wañu, kana tshiñwe tshithu tshiñwe, u swika i tshi tou ngalangala yothe kha lifhasi. Yo vha

i si tsha ḍo vha hone, u tou fana na dokotela a tshi bvisa tshibvo kha inwi. Fhedzi nga tshivhumbeo tsha phodzo ya Muya, arali no vha ni pfuko, ndo vha ndi tshi ḍo tou vhidza vhutshilo hanu ha bva kha inwi, huno no vha ni tshi ḍo bvela phanda. Vhutshilo hanu ho vha vhu tshi ḍo ni ḥutshela, fhedzi muvhili waṇu wo vha u tshi ḍo vha fhano u tou fana na zwe wa vha u zwone.

⁷⁸ Zwino, henefho ndi hune u vhona na tshifhinga zwa vha swina lo vhifhesaho la Mudzimu kha phodzo ya Muya. A thi ḋivhi uri kana Mukomana Baxter u a vhuya a swika kha izwi zwithu muṭanganoni. Ndi dzula fhasi, nda mu ṭalutshedza zwone na Mukomana Bosworth, u dovha na u dovha. Fhedzi ngezwi zwe zwa bvelela. Ndi a timatima uri kana vhathu vhanzhi vha a zwi pfectesa naa, ngauri, nga murahu ha tshifhinganyana, ni thoma u wana vhathu vha tshi vhuya, vha tshi ri, “Ndo ḍo vha na phodzo yanga, Mukomana Branham, lwa mađuvha mavhili kana mararu, fhedzi, rendani Mudzimu, yo—yo ḥutshela.” Huno ndi a i wana, huno ndi elekanya uri ndi nga ḥwambo wa uri a vha dzuli muṭanganoni nga ndila yone. Vhathu a vha pfectesi. Ndo ḍo vha na vhanna vhe vha tea u da pulatifomoni huno vha vha mabofu tshoṭhe, dzipfuko, kana zwitsiraiṭo kha maṭo avho, huno vha vhala iyi Bivhili nga murahu ha musi vho no rabelelwa, vha tsela fhasi; nga mađuvha mararu kana maṇa vha tou vha mabofu sa zwe vha vha vhe zwone u rangani. Naa ho bvelelani? Muñwe na muñwe u a ḋivha uri musi vhutshilo ho no bva kha ḥama inwe na inwe, i a hwetekana lwa tshifhinganyana. Naa izwo ndi zwone?

⁷⁹ Naa hu na muthu, fhano, we a vhuya a vhulaha nyala, kana thole, kana tshiñwe na tshiñwe tshi no nga tshenetsho? Ngoho. Zwo luga. Ni i kale madekwana a ḥamus, vhoinwi vhazwimi vha u bva ngeno, khonani dzanga. Ni vhulaha nyala nahone na i posa kha tshikalo, na vhudza vhatukana uri i lemela zwingafhani. Basobani! Nga matsheloni i khou yo leluwa nga phaundu dzo vhalaho u fhira zwe ya vha i zwone. Musi muthu a tshi fa, muvhulungi, tshithu tsha u thoma, u dzhia maṇo a khole-khole kana iṭo, tshiñwe na tshiñwe tshi re ngomu henefho, u a tshi bvisa; ngauri, u a hwetekana, u ḍo sukumedzela nn̄da ngauri muvhili wa muthu u a hwetekana. Ḫama inwe na inwe-vho i a hwetekana. Musi vhutshilo ho no bva kha sele, i thoma u tsela fhasi, u hwetekana. I ḍo ita zwenezwo lwa awara dzi no ḫodou swika fusumbembili. Huno zwenezwo i ḍo thoma u zwimba. I ri ni mmbwa thukhu i tshaisiwe, nn̄da ngeno ndilani. I ri ni i lale henefho ḫuvhami lwa mađuvha a no ḫodou swika mararu, huno ni sedze zwo bvelelaho. Ndi mmbwa khulwane u fhira zwe ya vhuya ya vha zwone. I a zwimba. Naa izwo ndi zwone? [Tshivhidzo tshi ri, “Amene.”—Mudz.]

⁸⁰ Zwo ralo, izwo ndi zwenezwo zwithihi zwi no itea musi di-dimoni li tshi pandelwa kha muthu a lwalaho. Mađuvha a u

thoma a si gathi, "Oo, ndi pfa ndi tshi mangadza." Zwenezwo u thoma u ri, "Nne—nne ndi khou lwala u fhira zwe nda—zwe nda vhuya nda vha zwone. Ndo xedza phodzo yanga." Vhunga hu ngoho ya uri lutendo lwo vhu bvisa, u sa tenda hu vhu vhuisa ngeno murahu hafhu. Vhunga lutendo lu tshi vhu vhulaha, u sa tenda hu a vhu vusa. Yesu o ri, "Musi muya wa tshika wo no bva kha muthu, u tshimbila fhethu ho omaho huno wa vhuya murahu na vhańwe vhodiabolo vha sumbe." Huno arali munna wavhuđi wa nnđu a songo ima heneffho u tsireledza uyo muňango, u do dzhena ngomu heneffho. Huno munna wavhuđi wa nnđu yanu ndi lutendo lwanu. I ri ni, "Tuwa!" Izwo ndi zwone.

⁸¹ Fhedzi zwino inwi ni sedze mulwadze o fhodzwaho, sa nga misi, nnđani ha musi i tshi tou vha dembe li si la misi. Lune, phodzo ya Muya na dembe ndi zwithu zwivhili zwo fhambanaho. Phodzo ya Muya, tshithu tshithihi; dembe ndi tshińwe tshithu. Fhedzi u itea ha misi ha phodzo ya Muya, musi muya wa tshika wo pandelwa, diabolo wa pfuko, musi a tshi tuwa kha muthu, "Oo!" Zwino, kana ra ri ri do dzhia tshińwe tshithu uri ni kone u vhona zwihiulu, ndi do ri, tshitsiraičo. Zwo bvelelaho musi uyo munna... Arali ni tshi do dzhieila nzhele munna wa bofu. A thi diyhi uri kana ndo vhuya nda vha na munwe-vho fhano kana hai, nangwe, mađo a re na zwitsiraičo. Ndi do vha tendela u ima lwa miniti i si gathi. Mulandu? U itela uri u hwetekana hu thome u itea. Ndi vha vhudze uri vha vhuye, vha ri nee vhuťanzi. "Yawee, nnenne!" Vha kona u vhona nga ndila i mangadzaho. "Yawee, nnenne! Fhedzi, ndi a kona u vhona zwithu! Ee! Ndi..." Naa thaidzo ndi mini? Vhutshilo ho tuwa; muvhili wa tshitsiraičo u khou hwetekana. Ndi zwone, u do ita nga iyo ndila lwa mađuvha mavhili. Hu pfi, "Oo, ndi khou vha na mutakalo nga maanda."

⁸² Huno nga murahu ha tshifhinganyana, vha thoma u vha na thoho, a vha dipfi zwavhuđi. Vha a vuwa nga matsheloni a tevhelaho, "Nne ndi khou xedza u vhona hanga hafhu."

⁸³ Vhańwe vhavho vho ri, "Uh-huh, no tou nyanyulea. Itsho tshivhalonyana tsha vhavhumbuluwi vhakhethwa tsho ita uri ni nyanyulee." Ni songo zwi tenda izwo! Ayo ndi mazwifhi a diabolo. Arali izwo ni tshi zwi tenda, ni do vhuyelela murahu na vha bofu hafhu.

Fhedzi arali ni tshi nga dzula no fara, na ri, "Hai. Murena, ndi a tenda."

⁸⁴ Zwenezwo hu bvelelani? Uyo muvhili u zwimba lwa tshikhathi tshilapfu. U tibedza uho u vhona hafhu. Iyo pfuko i re muvhilini i do zwimba. Ni do pfa u vhavha na vhuťungu hafhu. Zwenezwo ni do lwala lu ofhisaho, na lwala nga maanda. Mulandu? Itsho tshibvo tshihulu tsha nama yo faho kha inwi tshi heneffho, tsho fa.

⁸⁵ Inwi ni humela murahu, dokotela huno u ri, “Oo, uvho ndi vhuṭafutafu. Ngeyo pfuko henehafho. Ndi a i vhona.” Ngoho, i hone, fhedzi yo fa. Hāleluya!

⁸⁶ Zwino, lutsinga lwa malofha lu tea u kunakisa muvhili. Tshifhinga tshothe mbilu i tshi bommba, i posa malofha u mona na muvhili, huno i doba u kavhiwa uho. Ngoho, hu ḍo ni lwadza. Mini-ha arali no vha ni na tshipida tsha ɣama tsho nembelelaho ngomu haṇu huṇwe fhethu, kana tsho īapfaho sa ɣowa, kana tshiṇwe tshithu tshihulu afho tshi no lingana na munwe waṇu, huno tsho nembelela ngomu heneffo, huno tsho fa, iyo ɣama ngafho yo nembelela ngomu haṇu, nahone i tshi khou sina? Zwo ralo, a hu na zwiṇwe, lutsinga lwa malofha aṇu lu tea u dzula lu tshi tshi ṭanzwa itsho, i tshi khou ḍi bommba. Fhedzi hu na muvhili wo faho, tshithu tsho nembelelaho heneffo, ngauri vhutshilo ho no bva khatsho. Maanda a Mudzimu, nga lutendo, o tshi swogela nn̄da. Ndi dimoni; li tea u ḫuwa.

⁸⁷ Fhedzi, tshiitisi, vhathu a vho ngo laiwa. Vha a ḫuwa, vha litsha. Huno onoyo diabolo muthihi o ima henehafho, u dovha u langa hafhu. Musi Mudzimu a tshi ni vhudza tshiṇwe na tshiṇwe kha iyi pulatifomo, nga Muya Wawe, musi hu tshi hevhedzwa, ni songo zwi timatima izwo, kana tshithu tsho vhifhesaho tshi do da kha inwi, O ralo. Ngauri Yesu o ri, “Tshiiimo tsha u fhēdza tsha uyo muthu tsho vha tsho vhifha kasumbe u fhira zwe tsha vha tshi zwone u rangani.” Naa izwo ndi zwone? Musi muya wa tshika wo bva kha muthu, wo tshimbila fhethu ho omaho, wa vhuya na vhaiwei vhodiabolo vha sumbe. Ngauralo, ni songo vha a sa tendi. Dzulani heneffo Naļo. Zwi ambeni, zwi tshi bva mbiluni yaṇu. Ni ri, “Hai, mune wanga! A thi nga sudzuluwi! A hu londwi uri ndi lwala hani, izwo a zwi na mushumo nazwo.” Zwenezwo, tshithu tsha u thoma ni a divha, ni do vha ni tshi khou lugelwa. Tshiṇwe na tshiṇwe tshi ḍo luga-ha. Ni a vhona, ho fa. Mu—muaro we dokotela a ḍo vha o u dzhia kha inwi, itsho tshibvo tshi fanaho tshi kha inwi, tshi si na vhutshilo ngomu hatsho.

⁸⁸ Inwi ni ri, “Vhutshilo ngomu hatsho, Mukomana Branham, vhu ḍo dzhia vhutshilo hanga?” Hai, mune wanga. Uvho vhutshilo ndi vhutshilo ho fhandekanaho na haṇu. Ndo tou ni sumbedza uri inwi ni vhutshilo nahone ni vha muthu, huno ndi vhutshilo nahone vhu vha muthu; huno ni wa Mudzimu, huno hone ndi ha diabolo. Ni a vhona zwine nda khou amba? Vhudimoni. Zwino, ni tea u vhona uri itsho tshithu tshi nga mini musi ni tshi ima na tshi sedza.

⁸⁹ Yawee, nnenne, ni mpfarele, i ḫodou rwa hafu u bva kha ya vhuraru. Ni mpfarele. Sedzani, dzikhonani. Oo, zwine ili shango la ḫoda!

⁹⁰ Ndo vha ndi tshi khou funza lwa miṇwaha i no ḫodou swika ya sumbe, kha la Amerika lōthe, ndi na idzi tshumelo

dza phodzo. Ndo tou vha na muhumbulo wavhudi wa u thoma hafhu kha shango iilo lothe, ndi tshi khou funza Bivhili, na nga ha vhudimoni, uri vhathe vha nga pfectesa hani zwine vha tea u ita. Huno itshe ndi tshi no itsa, uri vha ye kha iyi miangano, zwifhinga zwinzhi, nahone, muthu... Arali ni sa pfectesa, vhathe vha a bva, huno zwifhinga zwinzhi...

Zwino, ni a elelwa uyo muthu we a da huno a ri o vha e na tshifhiwa tsha phodzo ya Muya? Tshifhiwa tsha phodzo ya Muya tsho vha tshi kha inwi arali no fholo. Ndi inwi, a re ene. Tshifhiwa tshinwe na tshinwe tshi shuma nga lutendo. Huno a hu londwi uri ndi na tshifhiwa tsha phodzo ya Muya tshingafhani, ndi a zwi tenda nga mbilu yanga yothe, fhedzi inwi ni nga ima hafha huno, arali ni si na lushaka lu fanaho lwa lutendo, a zwi ni farisi tshithu. Ndi nga ni rabelela, lwa dziawara na dzivhege na miwedzi. A si vhareri vha re na phodzo ya Muya. Ndi inwi a re na tshifhiwa tsha phodzo ya Muya, a no tenda kha u fhodzwa, ngauri ndi nga lutendo. Nga lutendo! Mushumo muñwe na muñwe wa Mudzimu ndi nga lutendo.

⁹¹ Mafumo othe a Mudzimu ndi nga lutendo. A ri na tshithu na tshithihi tsha mupo tsha lino shango. Tshinwe na tshinwe tsha tshi—tshividzo tsha Tshikriste ndi nyito ya lutendo. Sedzani mapfumo a Mudzimu, lufuno, dakalo, mulalo, u sa fhela mbilu, vhuthu, u vuda, vhulenda, u kondelela. Naa izwo ni zwone? Tshinwe na tshinwe ndi tsha nthia ha mupo, a hu na tsha mupo. Ngauralo a ri sedzi kha zwithu zwa mupo, ngauri ri khou shuma lwa nthia ha mupo. Huno ndila i yothe ine ri nga zwi tea, ndi lutendo, ndi kha zwe Mudzimu a amba uri ndi Ngoho, huno ri sedza Zwi Sa Vhonwi. Huno ri dzhia izwo zwithu zwi siho, sa zwi re hone; vhunga Abrahamu o ita, huno a zwi wana. Amene! Abrahamu o dzhia izwo zwithu zwe zwa vha zwi siho, vhunga Mudzimu o ita, vhunga zwo vha zwi hone. E na miñwaha ya dana, ho ngo timatima pfulufhedziso ya Mudzimu nga u sa tenda.

⁹² Ndo vha ndi tshi nga tou zwi humbulela izwo, no vha ni si nga ralo? Vhonani Sarah a tshi vuwa nga mañwe matsheloni. Mudzimu o ri, "Abrahamu!" Ha pfi, "Abrahamu, u khou yo vha na lushie."

⁹³ Sarah a vuwa. Ha pfi, "Ni dipfa hani, Sarah?" Aya ndi mavhuthu o ḥanganaho, fhedzi thetshelesani.

"A hu na phambano."

⁹⁴ "Zwo luga, vhugala kha Mudzimu, ri khou yo vha nalwo! Iyani ni wane dzidugu na dziphini, na tshinwe na tshinwe. Dilugiseni."

Zwo luga, muñwe ñwedzi wa fhira. "Sarah, ni dipfa hani?"

"A hu na phambano."

Nwaha wa fhira. "Sarah, mini nga hazwo?"

“A hu na phambano.”

Minwaha ya fumi ya fhira. “A hu na phambano.”

Minwaha ya fumbiliñhanu ya fhira. “A hu na phambano.”

⁹⁵ Abrahamu, vhudzuloni ha u kulea nungo, o khwaṭha na u khwaṭha. O zwi ḏivha uri zwe zwo vha zwi tshi khou yo fhira ḥembe tshifhingga tshothe, nge a tenda Mudzimu, huno a si timatime pfulufhedziso ya Mudzimu nga u sa tenda. A ri, “Ri khou yo vha nalwo!” Huno nga mañwe matsheloni mbumbelo ya Sarah ya thoma u kukumuwa, huno Isaka muṭuku a bebwa, ngauri Abrahamu o tenda Mudzimu. Huno a sedza zwithu, huno a dzhia izwo zwithu zwe zwa vha zwi siho vhunga zwe vha zwi hone.

⁹⁶ Hu si nga vhudipfi, hu si nga u vhona. A ni tshimbili nga vhudipfi kana u vhona. Ndi nga lutendo. Huno musi Mudzimu o no bula tshiñwe na tshiñwe, a ri, “Zwinwe na zwiñwe zwine na humbelu, musi ni tshi rabela, tendani uri ni a zwi wana,” zwenezwo ni farelele khazwo. Mudzimu o ralo, zwi tea u vha nga u ralo! Amene. Madimoni!

Lutendo kha Khotsi, lutendo kha Murwa,
 Lutendo kha Muya Mukhethwa, vhararu kha
 Muthih;
 Madimoni a do tetemela huno vhaftazwivhi
 vha karuwa;
 Lutendo kha Jehovah lu ḫo dzinginyisa
 tshiñwe na tshiñwe.

Izwo ndi zwone. Yawee, nnenne! Zwa vhukuma ndi zwezwo. Ivhani na lutendo kha Mudzimu. Sedzani Khae. Ni songo sudzuluwa. Dzulani henehafho. Mudzimu o ralo!

⁹⁷ Huno, madimoni, naa ndi mini? Ndi vhathu vha maya. Zwino, do—dokotela u ri, “Ni na pfuko. Ni na TB. Ni na tshitsiraito. Ni na vhulwadze ha khana. Ni na *itshi*.” Ndi diabolo. Ndi vhutshilo, huno murahu ha uvho vhutshilo ndi maya. Ndi vhanganu vha no zwi ḏivha nahone vha kona u vhona uri pfuko, tshitsiraiṭo, tshi na—tshi na... Ndi maya, u na—u na vhutshilo ngomu hawo. Ndi zwone, a hu na tshire tshi nga vha na vhutshilo hu si na maya, ni a vhona, ngauralo hu tea u vha na vhutshilo u ita izwo, huiwe fhethu.

⁹⁸ Na uyo muri heneffo u na vhutshilo ngomu hawo. Saintsi yothe shangoni yo kundelwa u ita lwatsi. Naa izwo no zwi ḏivha? Vha ita tshiñwe tshithu tshi vthonalaho vhunga tshone, fhedzi a vha koni u wana formula ya vhutshilo. Uyo ndi Mudzimu. Ni a vhona? Yesu o ri kha muri, “Wo señwa. A u na na mutshelo, nahone u nga si vhe nawo na kathihi.” Vha humela murahu nga heneffo. Yo vha i tshi ḫodou rwa awara ya malo n̄ha ha tshithoma nga matsheloni ayo. Vha humela murahu i tshi ḫodou rwa awara ya fuminthihi n̄ha ha tshithoma, vha tshi khou ya kha tshiswiṭulo. Petro a ri,

“Sedzani uyo muri, wo fa u bva midzini.” Mulandu? Yesu o kaidza vhutshilo he ha vha vhu kha uyo muri, he ha vha vhu midzini, huno tshithu tshothe tsha fa. Haleluya!

⁹⁹ Uyo Kristo onoyo muthihi a nga kaidza pfuko u bva midzini, huno tshithu tshothe tshi do fa. Ula muri wo vha wo ima henefhalu u tou fana na zwe wa vha u zwone, dziawara tshifhinga tshi sa athu swika, fhedzi ni wana matari a tshi thoma u wa, huno na vhone gwati li tshi thoma u kwatuwa. Huno wone... U thoma u tħahala, duvha na duvha, na vhege na vhege, huno nga murahu ha tshifhinganyana ho vha hu si tshe na na tshipida na tshithihi tsha uyo muri tsho salaho. Haleluya! Pfuko, tshizwimbo, tshitsiraito, kana tshiñwe tshithu-vho, zwi do tea u tuwa musi Kristo a tshi amba. U pandela vhodiabolo. Huno O ri, “Nga Dzina Langa vha do pandela vhodiabolo, vha do amba nga ndimi ntswa, vha do takula mañowa, kana vha nwa zwithu zwi vhulayaho, a zwi nga vha tshinyi. Arali vha tshi vhea zwanda zwavho kha vhalwadze, vha do fhola.”

¹⁰⁰ Ni a Mu funa? Ni mpfarele ndo ni dzudza awara fhano masiari ano, no dzula hafha. Ni a funa Murena? [Tshivhidzo tshi ri, “Amene.”—Mudz.] Naa hu khou yo bvelelani zwino? Arali ni tshi tħanganedza Kristo sa mufhodzi wanu, huno na tenda mbiluni yañu uri tshiñwe tshithu tsho bvelela kha inwi, huno ni a tenda uri no fhodzwa, naa ni khou yo tenda uri no fhodzwa? Ni songo tendela diabolo u vhea tshiñwe tshithu-vho kha inwi. Itonu bvela phanda.

“Dokotela,” ha pfi—ha pfi, “dokotela, zwi vhonala zwi hani?”

A ri, “Mulandu, vhu kha di vha hone.”

¹⁰¹ Mbiluni yanu ni a zwi divha, ni a zwi divha zwe zwa bvelela. Huh! Tshithu tsha u thoma ni a zwi divha, ni ri, “Ni ri, ndi a mangala zwe zwa bvelela kha itsho tshithu?”

¹⁰² Zwenezwo i ri ni, “Sedzani, dokotela, ndi khou yo ni vhudza. Ngezwi zwe zwa bvelela, Yesu Kristo o mphodza. Izwo ndi zwone. Yesu Kristo o mphodza.”

¹⁰³ Zwo luga, kha ri kotamise zwifha tuwo zwashu lwa tshifhinganyana. Mukomana Willett, naa ni nga da ngeno lwa tshifhinganyana, mukomana?

¹⁰⁴ Zwino, Khotsi wa Tađulu, ri livhuwa Malofha a Kristo. Huno khamusi ngauri mulanda Wau nga tshiñwe tshifhinga, Murena, a sa shumisi vhutali, nga u amba tshifhinga tshilapfu nga maanda. Fhedzi khamusi ndi kha di pfa vhunga Paulo, we a rera vhusiku hothe vhuriwe vhusiku. Muthu mułuku a wela nnnda ha fasiere huno a fa. Huno uyo muapostola, e na Ipfi ja Mudzimu vhutshiloni hawe, o ya huno a vhea muvhili wawe kha mutukana, vhutshilo ha dzhena ngomu hawe huno a tshila hafhu.

¹⁰⁵ Mudzimu a funwaho, ndi a limuha uri tshikovhelelo tsha uvhu vhutshilo-tshedza vhuhulwane zwino tshi khou kovhela, ho no bvelwa phanda, vhukati ha ɖuvha ho no ʈuwa, mirunzi ya nga madekwana i khou wa. Tshedza tshihulwane tshi thoma u vhonala tshi tshi bva Muvhusoni wa Mudzimu, u dzhia fhethu hatsho ha ili swiswi ljhulu li no khou da kha ljhiasi. Mudzimu, ndi a limuha uri ndi khou aluwa ɖuvha liñwe na liñwe. I ri ndi ʈuwe, Murena. Nqee nungo. Nthuse u amba iyi Ngoho khulwane huñwe na huñwe. Ri thuse, matshelo nga masiari, uri ri do pfectesa zwo engedzeaho.

¹⁰⁶ Huno, Mudzimu a funwaho, fhaṭutshedza avha vhathetshelesi vhaṭuku masiari ano. Madekwana a ɳamusi, musi vha tshi kuvhangana ngomu u itela tshumelo ya phodzo, ngavhe munna muñwe na muñwe na musadzi muñwe na muñwe vha tshi kuvhangana huno vha tshimbila vha tshi khou amba, nahone vha tshi ri, “Zwino, ngeyi... a ri—a ri tshe na na thimothimo. Ri a pfectesa hune ha bva hone zwino. Ri a zwi divha uri ndi diabolo. Huno ri a zwi divha musi a tshi tuwa, u tea u bva nga ndaela ya Mudzimu. U tea u ralo. Mudzimu o no di ralo. U tea u tuwa.” Zwenezwo, ngavhe vha tshi bva, vho takala, vha tshi khou pembela, vha tshi khou vhila phodzo yavho. A hu na tshithu, u songo tendela tshithu tshi tshi ima ndilani yavho, futhi; vha sokou ʈuwa, vha tshi tenda.

¹⁰⁷ Huno, Mudzimu, ngavhe itshi tshivhidzo tshiṭuku fhano, na izwi zwivhidzo zwi re na tshumisano, zwi tshi vha na mvuseledzo nga murahu ha uyu muñangano, Murena, ine ya do tou u hwala wa vuledzea, huno mađana manzhi a mimuya a dzheniswa ngomu Muvhusoni wa Mudzimu. Zwi tendele, Khotsi. Ngavhe vhanna na vhasadzi fhano, u bva kha tshakha dzothe na huñwe fhethu, ngavhe vha tshi dzhia Mulaedza vha u humisela zwivhidzoni zwavho, huno ngavhe vha tshi vha na mvuseledzo ya tshikalekale. Zwi tendele, Murena. Ri hangwele zwivhi zwashu zwino. Ri thuse u vha vhalanda Vhau. Dzinani la Yesu Kristo. Amene.

¹⁰⁸ Ndi a mangala, musi no dzula hafha, naa hu na muitazwivhi ngomu tshifhaṭoni ɳamusi, ane a nga ri, “Mukomana Branham, nnyelelweni thabeloni”? Naa ni do, naa ni do imisa tshanda tshau? Naa hu na muthu wa muitazwivhi? A thi... Mudzimu a ni fhaṭutshedze, mufumakadzi. Naa hu na? Mudzimu a ni fhaṭutshedze, muñe wanga. Inwi, na inwi, na inwi, Mudzimu a ni fhaṭutshedze. Ndi a mangala arali ni tshi... Zwino, izwi zwi da kha inwi.

¹⁰⁹ Ni a vhona, a thi tendi kha u humela murahu kha vhathetshelesi. A thi sasaladzi vhañwe vha no zwi ita. A thi tendi kha u ya kha vhathetshelesi nahone ndi tshi khou

lingedza u kokodza muñwe. Ni a vhona? "A hu na muthu ane a nga kona u da, nnđani ha Khotsi We a mu kokodza." Ni a vhona? Izwo ndi zwone. Ni sokou mu kokodza henehfo a sa funi. Ni a vhona? Fhedzi arali Mudzimu a tshi khokhonya mbiluni yanu, ni muthu o tondweswaho shangoni. Ni tou sa zwi ñivha uri ndo no amba na vhathu vhanganá.



Vhudimoni — Fhethu Ha Muvhilini

Fulwi 8, 1953, Musumbuluwo nga masiari
Roberts Park Amphitheater, Connersville, Indiana

Vhudimoni — Fhethu Ha Vhurereli

Fulwi 9, 1953, Lavhuvhili nga masiari
Roberts Park Amphitheater, Connersville, Indiana

Mimuya I Kungaho

Fulwana 24, 1955, Swondaha nga matsheloni
Thaberenakele ya Branham, Jeffersonville, Indiana

Heyi Milaedza nga Mukomana William Marrion Branham, u rangani yo ñewaho nga Tshiisimane, yo dzhiwa kha rekmodo dza theiphi ya maginete huno ya gandiswa i songo pfufhifhadzwa nga Tshiisimane. Heyi thalutshedzo ya Tshivenða yo gandiswa nahone ya phaðaladzwa nga Voice Of God Recordings.

TSHIVENDA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuṭuwedza u humbela tshelede hu si na thendelo yo ñwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org